

四庫全書薈要

• 乾隆御覽本

經部

春秋傳卷十

宋 胡安國 撰

閔公

公名啓方莊公之子史記云名開諡法在國逢難曰閔

周

惠王十六年

鄭

文公十二年

齊

桓公二十五年  
○管仲為政

宋

桓公二十一年

晉

獻公十六年○  
是年晉作二軍

衛懿公八年魯閔二年狄滅衛宋桓公立衛戴公以廬子曹戴公名申立其年卒而立文公

蔡穆公十四年

曹昭公元年

滕詳見隱公元年

陳宣公三十二年

杞詳見隱公元年及僖公元年

薛魯莊公三十一年薛伯卒

莒詳見隱公元年

邾文公五年

許穆公三十七年

小邾莊公元年

楚成王十一年○  
令尹子文為政

秦詳見隱公元年

吳詳見隱公元年

越詳見隱公元年

庚惠王十一年  
申六年  
元年  
齊桓二十五年  
晉獻十六年  
衛懿八年  
蔡穆十四年  
鄭文十二年  
曹昭公  
班元

年陳宣三十二年杞惠十二年宋桓  
二十一年秦成三年楚成十一年

# 春王正月

不書即位內無所承上不請命也莊公薨子般卒慶  
父夫人利閉公之幼而得立焉是內不承國於先君  
也按周制王哭諸侯則大宗伯為上相未有諸侯之  
薨而不告於王者也職喪掌諸侯之喪以國之喪禮  
蒞其禁令序其事凡國有司以王命有事焉則詔贊  
主人未有諸侯之子主喪而王不遣使者也今魯有  
大故不告於周閉既主喪而王不遣使是上不請命  
于天子也內無所承上不請命故不書即位正人道  
之大音註般音班  
使去聲

# 齊人救邢

凡書救者未有不善之也。救在京師則罪列國子突救衛是也。救在夷狄則罪諸侯。狄救齊吳救陳是也。救在遠國則罪四鄰。晉陽處父帥師伐楚以救江是也。救而不速救者則書所次以罪其慢。叔孫豹救晉次于雍榆是也。救而不敢救者則書所至以罪其怯。齊侯伐我北鄙，圍成，公救成，至過是也。兵者春秋之所甚重。衛靈公問陳，孔子對曰：「俎豆之事則嘗聞之矣，軍旅之事未之學也。」獨至於救兵而書法若此，聖人之情見矣。其稱音註處上聲，人將卑師少也。見音現。

夏六月辛酉葬我君莊公

秋八月公及齊侯盟于落姑

音註落姑齊地

季子來歸

按左氏盟于落姑請復季友也其曰季子賢之也其  
曰來歸喜之也自外至者為歸是嘗出奔矣何以不  
書莊公薨子般弑慶父主兵勢傾公室季子力不能  
支避難而出奔恥也魯國方危內賊未討國人思得  
季子以安社稷而公為落姑之盟以請於齊則是賢  
也春秋欲沒其恥故不書奔欲旌其賢故特稱季子  
聖人之情見矣隱惡而揚善舜也樂道人之善惡稱  
人之惡孔子也為尊者諱為親者諱為賢者諱春秋  
也明此可以蓄納汙之德樂與人為善矣其不稱公  
子見季友自以賢德為國人所與不緣宗親之故也  
堯敦九族而急親賢退嚚訟周厚本枝而庸旦仲黜  
蔡鮮義皆在此而親親之殺尊賢之等著矣此義行  
則內無責戚任事之私外無棄親用羈之失  
而國不治者未之有也此春秋待來世之意  
音註去  
聲樂入聲鮮  
音仙殺去聲

# 冬齊仲孫來

仲孫齊大夫也其不稱使而曰來者畧其君臣之常詞以見桓公使臣不以禮仲孫事君不以忠也按左氏齊侯憂魯使仲孫來省難何以言使臣不以禮也鄭有叔逆則當聲罪戒嚴修方伯之職以奉天計而更使計謀之士窺覘虛實有乘亂取國之心則使臣非以禮矣仲孫歸曰不去慶父魯難未已君其務寧魯難而親之何以言事君不以忠也陳恒弑簡公孔子沐浴而朝告於哀公請討焉豈曰齊人方強姑少待之也不勸其君急於討賊而俟其自斃則事君非以忠矣使慶父趁惡閔公再弑則桓公與仲孫始謀不臧之所致耳直書音註難去聲

齊仲孫來交譏之也

音註

難去聲

辛惠王十二年

齊桓二十六晉獻十七衛懿九蔡穆十五鄭文十三曹昭二陳宣三十三杞惠



十三宋桓二十二  
秦成四楚成十二

春王正月齊人遷陽音註

陽小國蓋齊人迎而遷之

夏五月乙酉吉禘于莊公音註

此言吉禘以見閔公喪制未闕而亟行吉禮又

不於太廟蓋深譏也禘天子之禮魯之郊禘惠公請之東周之僭禮也

程氏曰天子曰禘諸侯曰祫其禮皆合祭也禘者禘其所自出之帝為東向之尊其餘皆合食於前此之謂禘諸侯無所出之帝則止於太祖之廟合羣廟之主以食此之謂祫天子禘諸侯祫大夫享庶人薦上下之殺也魯諸侯爾何以有禘成王追念周公有大勳勞於天下賜魯公以天子禮樂使用諸大廟以上祀周公魯於是乎有禘祭春秋之中所以言禘不言祫也然則可乎孔子曰魯之郊禘非禮也周公其衰

矣禘言吉者喪未三年行之太早也于莊公者方祀于寢非宮廟也一舉而三失禮焉春秋之所謹也四時之祭有禘之名蓋禮文交錯之失

## 秋八月辛丑公薨

按左氏初公傳奪卜齋田公不禁慶父使卜齋賊公于武閭魯史舊文必以實書其曰公薨不地者仲尼親筆也觀於刪詩在諸國則變風皆取在魯則獨編史克之頌或問吾黨有直躬者其父攘羊而子證之則曰吾黨之直者異於是父為子隱子為父隱直在其中矣後世緣此制為五服相容隱之條以綴骨肉之恩春秋有諱義蓋如此禮記稱魯之君臣未嘗相弑者蓋習於經文而不知聖人書薨不地之旨故云爾然則諱而不言弑也何以傳信於將來曰書薨以示臣子之情不地以存見弑之實何為無以傳信也

凡君終必書其所獨至於見弑則沒而無所其情厚矣其事亦白矣非聖人能修之乎後世記言之士欲諱國惡則必失其實直書無隱又非臣子所當施之於君父也而春秋之法不傳矣

九月夫人姜氏孫子邾音註

孫音避

夫人稱孫聞乎故也不去姓氏降文姜也莊公忘親釋怨無志於復讎春秋深加貶絕一書再書又再書屢書而不諱者以謂三綱人道所由立也忘父子之恩絕君臣之義國人習而不察將以是為常事則亦不知有君之尊有父之親矣莊公行之而不疑大臣順之而不諫百姓安之而無憤疾之心也則人欲必肆天理必滅故叔牙之弑械成於前慶父之無君動於後國人舉卜辭之刃交發於黨氏武闔之間哀姜以國君母與聞乎故而不忌也當是時魯君再弑幾至亡國其應不亦惜乎春秋以復讎為重而書法如

此所謂治之於未亂保之於未危不可不察也

# 公子慶父出奔莒音註

弑閔公故是為孟氏

公子出奔譏失賊也閔公立而李子歸何以見弑慶父主兵日久其權未可遽奪也李子執政日淺其謀未得盡行也設以聖人處之期月而已可矣李子賢人而當此能必克乎及閔公再弑慶父罪惡貫盈而疾之者愈衆李子忠誠顯著而附之者益多外固強齊之援內協國人之情正邪消長之勢判矣然後夫人不敢安其位慶父不得肆其姦此明為國者不知圖難於其易為大於其細雖有智者亦不能善其後矣世儒或言用魯之衆因齊之力以戮慶父其勢甚易而李子不能故書夫人孫邾慶父奔莒所以深惡其緩不討賊則非也以絳侯勃之果陳平之無誤將相交歡而內有朱虛外連齊楚以制諸呂庸人宜易

於反手然太尉已入北軍士皆左袒獨恐不勝未敢  
訟言誅之也況於慶父巨姦七百里之侯國革車千  
乘而三十年執其兵柄其植根深矣其耳目廣矣其  
用物弘矣而以為戮之其勢甚易此未察乎難易進  
速之幾者也經書莊公忘親無復讎之志使百官則  
而象之亦不知有君父也而又使慶父主兵失馭臣  
之道是以此極故書孫

音註

父上聲  
長上聲

冬齊高子來盟音註

高子即高侯也齊侯使來平魯難  
僖公新立因遂結盟故不稱使也

魯人貴之  
故不書名

高子齊大夫也子者男子之美稱其稱子賢之也何  
賢乎高子莊公薨子般卒閔公弑慶父夫人亂乎內  
魯於是曠年無君齊桓公使將南陽之甲至魯而謀  
其國其命高子必曰魯可取則兼其國以廣地魯可

存則平其亂以善鄰非有安危繼絕一定不可易之計也高子至則平魯難定僖公魯人賴焉以為美談至于久而不絕曰猶望高子也聖人美其明人臣之義得奉使之宜特稱高子以著其善其不曰齊侯使之者權在高子也

## 十有二月狄入衛

衛康叔之後蓋北州大國狄何以能入乎臣昔嘗謂河南劉奕曰史氏記繁而志寡如班固書載諸王淫亂等事盡削之可也奕曰必若此言仲尼刪詩如牆有茨鶉之奔奔桑中諸篇何以錄於國風而不削乎臣不能答後以問延平楊時時曰此載衛為狄所滅之因也故在定之方中之前因以是說攷於歷代凡淫亂者未有不至於殺身敗家而亡其國者也然後知古詩垂戒之大而近世有獻議乞於經筵不以國

風進讀者殊失  
聖經之旨矣

音註

按宋鑑楊時將樂人從二程游  
得河洛之傳世號龜山先生

# 鄭棄其師

按鄭詩清人刺文公也高克好利而不顧其君文公  
惡之而不能遠使克將兵禦狄於境陳其師旅翱翔  
河上久而不召衆散而歸高克奔陳公子素惡高克  
進之不以禮文公退之不以道危國亡師之本故作  
是詩觀此則鄭棄其師可知矣或曰高克進不以禮  
曷不書其出奔以貶克為人臣之戒而獨咎鄭伯何  
也曰人君擅一國之名寵殺生子奪惟我所制爾使  
克不臣之罪已著按而誅之可也情狀未明黜而遠  
之可也愛惜其才以禮馭之可也烏有假以兵權委  
諸境上坐視其失伍離散而莫之恤乎然則棄師者  
鄭伯乃以國稱何也二三執政股肱心膂休戚之所  
同也不能進謀於君協志同力黜逐小人而國事至

此是謂危而不持顛而不扶則將焉用彼相矣晉出  
帝時景延廣專權諸藩擅命及桑維翰為相出延廣  
於外一制書所敕者十有五鎮無敢不從者以五季  
之末維翰能之而鄭國二三執政畏一高克不能退  
之以道何政之為書曰  
**音註** 晉出帝時景延廣專權  
鄭棄其師君臣同責也  
云云無敢不從者五代  
史晉桑維翰傳出帝即位延廣用事與契丹絕盟維  
翰言不入陰使人說帝曰制契丹而安天下非維翰  
不可乃出延廣於河南拜維翰中書令樞密使魏國  
公事無鉅細一以委之數月之間百度寢理一制書  
指揮節度使十  
五人無敢違者



春秋傳卷十

春秋傳卷十一

宋 胡安國 撰

僖公上

公名申莊公之子閔公之兄諡法小心畏忌曰僖

周

惠王十八年魯僖公八年惠王崩子襄王立

鄭

文公十四年魯僖公三十二年文公卒子穆公蘭立

齊

桓公二十七年魯僖公十七年桓公卒寺人貂作亂立無虧僖十八年殺無虧孝公昭立僖二十七年孝

公卒弟昭

公潘立

宋

桓公二十三年魯僖公九年桓公卒子襄公茲父立僖十九年盟于曹南○宋襄公圖霸僖二十一年為

鹿上之盟以求諸侯於楚僖二十二年及楚

戰敗于泓二十三年襄公卒子成公王臣立

晉

獻公十八年魯僖公九年獻公卒子奚齊立冬殺奚齊卓子立僖十年弑卓子惠公夷吾立僖二十三年

惠公卒懷公圉立僖二十四年殺懷公文公重耳立僖二十八年敗楚人于城濮合諸侯于踐土文公主

伯魯僖公三十二年文公卒子襄公驪立僖三十

三年敗秦于殽襄公繼伯是年敗狄于箕

衛

文公元年魯僖公二十五年文公卒子成公立僖二十八年成公奔楚衛元咺奉叔武以受盟于踐土衛

成復歸殺叔武晉人執衛侯元咺立

公子瑕僖三十年殺瑕衛成公歸衛

蔡

穆公十六年魯僖公十四年穆公卒子莊公甲午立

曹

昭公三年魯僖公七年昭公卒子共公襄立僖二十八年晉文公執曹伯畀宋人是年曹伯歸曹

滕

詳見隱公元年魯僖公  
十九年宋執滕宣公

陳

宣公三十四年魯僖公十二年宣公卒子穆  
公欽立僖二十八年穆公卒子共公朔立

杞

杜氏年表武公十二年入春秋至僖公二十三年始  
載杞成公卒弟桓公姑容立而攷之史記自武公靖

公共公德公至桓公姑容立共九十六年而無成公  
一代世本譙周索隱徐廣所說又云惠公生成公桓  
公各有互異又如春秋所書隱四年伐杞桓三年來  
朝三年會杞莊二十五年伯姬歸杞傳並不載何公  
今但當以左傳所載桓公  
及杜氏年表為正可也

薛

魯莊公三十一  
年載薛伯卒

莒

詳見隱公元年魯僖公二  
十六年傳見莒茲平公

邾文公

七年

許

穆公三十九年魯僖公四年  
年穆公卒于師僖公業立

小邾

魯莊公五年書邾黎來至魯僖公七年始書小邾  
子始爵命也自邾黎來為小邾子天下無未命諸

侯矣

楚

成王十三年魯僖公元年始書楚僖四年齊桓公服  
楚召陵僖二十二年楚敗宋于泓皆子文為令尹時

也僖二十三年子文使子玉為令

尹僖二十八年晉敗楚于城濮

秦

穆公元年魯僖公十五年戰韓始見經僖二十四年  
納晉文公僖三十三年晉襄公敗秦于殽遂成秦晉

七十二年

兵爭之始

吳

詳見隱公元年

越

詳見隱公元年

壬惠王十

元年

齊桓二十七年晉獻十八年衛文公燬

戌八年

元年蔡穆十六年鄭文十四年曹昭三

年陳宣三十四年杞惠十四年宋桓二

十三年秦穆公任好元年楚成十三年

春王正月

不書即位內無所承上不請命也閔公薨夫人孫子  
邾慶父出奔莒公於是焉以成風所屬而季子立之  
內無所承也嗣子定位於初喪而魯使不告於周明  
年正位改元而周使亦不至於魯又明年服喪已畢  
而不見於京師上不請命也承國於先君者父子之  
倫請命於天王者君臣之義今僖公內無所承上不

請命不書即位正王法也是故有四海而即天王之位者受之於天者也有一國而即諸侯之位者受之於王者也受之於天者必奉若天道而後能保天下受之於王者必謹守王度而後能保其國

音註

孫音遜屬章欲反

使去聲見音現

齊師

桓

宋師

桓

曹師

昭

次于聶北救邢音註

聶北邢地聶音躡

三國稱師見兵力之有餘也聶北書次譏救邢之不速也春秋大義伐而書次其次為善遂伐楚次于涇美之也救而書次其次為貶救邢次于聶北譏之也聖人之情見矣故救患分災於禮為急而好攻戰樂殺人者於

音註

見音現好去聲樂音洛

罪為大

夏六月邢遷于夷儀音註

夷儀邢地

# 齊師宋師曹師城邢

書邢遷于夷儀見齊師次止緩不及事也然邢以自  
遷為文而再書齊師宋師曹師城邢者美桓公志義  
卒有救患之功也不以王命興師亦聖人之所與乎  
中國衰微夷狄猾夏天子不能正至於遷徙奔亡諸  
侯有能救而存之則救而存之可也  
以王命興師者正能救而與之者權

秋七月戊辰夫人姜氏薨于夷齊人以歸音註

左傳在  
閏二年

不書齊人殺諱之  
書地者明在外薨

夫人薨不地其曰薨于夷故也桓公召而殺之也其  
曰齊人以歸者以其喪歸于魯也齊為盟主義得舉  
法是伯者之所以行乎諸侯也既誅其人又歸其喪  
何居魯欲拒而勿受乎則子無讎母之義受而葬之



乎已絕者復得享小君之禮典刑紊矣故特音註居

書以歸而不曰歸夫人之喪以者不以者也

基復扶

又反

楚人伐鄭音註

荆始書楚

楚稱人沒強也莊公十年敗蔡師虜獻舞固已強矣然獨舉其號者始見于經則本其僭竊之罪正其夷狄之名著王法也二十三年來聘嘉其慕義乃以人書二十八年伐鄭惡其猾夏復以號舉至是又伐鄭也亦書人者豈許其伐國而人之乎會中華音註見執盟主朝諸侯長齊晉其所由來者漸矣

現惡去聲復扶

又反長展兩反

八月公會齊侯宋公鄭伯曹伯邾人于櫓音註

櫓宋地音噴衣

裳之  
會六

九月公敗邾師于偃

音註地偃邾

檉之會謀救鄭而公與邾人咸與焉則是志同而謀  
協也今既會邾人于檉又敗邾師于偃於此責公無  
懷夷狄安中國之誠矣凡此類皆直書其音註與音  
事而義自見也詐戰曰敗敗之者為主音註預見  
現音

冬十月壬午公子友帥師敗莒師于鄆獲莒挈音註

知反挈女居  
反又音挈

按公羊慶父走莒莒人逐之將由乎齊齊人不納却  
反舍于汶水之上使奚斯入請不可而死莒人曰吾

已得子之賊以求賂乎魯魯人弗與為是興師而來伐然則罪在莒也而以季友主此戰何也抑鋒止銳喻以詞命使知不縮而引去則善矣今至於兵刃既接又用詐謀擒其主將此強國之事非王者之師春秋之志故以季友為主音註為于偽反而書敗獲責之備也將去聲

# 十有二月丁巳夫人氏之喪至自齊

夫人預弑二君幾於亡國大義已絕不可復入宗廟矣書孫于邾薨于夷者絕哀姜也書齊人以歸夫人氏之喪至自齊者譏桓公也不稱音註復扶又反孫姓者殺于齊不去氏者受於魯音避去起呂反

癸惠王十二年齊桓二十八晉獻十九衛文二蔡穆十  
亥九年七鄭文十五曹昭四陳宣三十五杞惠

十五宋桓二十四  
秦穆二楚成十四

# 春王正月城楚丘

楚丘衛邑桓公帥諸侯城之而封衛也不書桓公不與諸侯專封也木瓜美桓公而夫子錄之意豈異乎不與專封正王法也木瓜有取焉善衛人之情也曷為善之報者天下之利以德報德則民有所勸矣城楚丘畧而不書城邢詞繁而不殺何也按周制凡封國大宗伯賓司凡筵設黼黻內史作策命是天子大權非諸侯所得擅而行之者也衛人渡河野處曹邑許穆夫人閔其亡而載馳賦文公徙居楚丘而後百姓悅則其國固嘗亡滅而不存矣城楚丘是擅天子之大權而封國也邢遷于夷儀經以自遷為文則其遷出於己意其國未嘗滅也諸侯城邢是謂同惡相恤以從簡書故詞繁而不殺美救患也桓公封衛而

衛國忘亡其有功於中華甚大為利於衛人甚博宜有美詞發揚其事今乃微之若此者正其義不謀其利明其道不計其功畧小惠存大節春秋之法也故曰五伯三王之罪人仲尼之徒無道桓文之事者

音註

殺所賣反

夏五月辛巳葬我小君哀姜

虞師晉師滅下陽音註

下陽執邑晉始見經

按孟子晉人以垂棘之璧與屈產之乘假道於虞以伐虢宮之奇諫百里奚不諫然則晉人造意以虞首惡何也貪得重賂遂其強暴滅兄弟之國以及其身而亡其社稷所以為首乎春秋聖人律令也觀此義可以見法矣唐高宗賜其臣長孫無忌金寶繒錦欲以立武昭儀雖無忌終不順旨君子猶識其沒於利

而不反君賜也矧受他人之賂遂其強暴者乎國而  
曰滅下陽邑爾其書滅何也下陽虞虢之塞邑猶秦  
有潼關蜀有劍嶺皆國之門戶也潼劍不守則秦蜀  
破下陽既舉而虞虢亡矣春秋此義以天下為家以  
城郭溝池為固以山川丘陵為險設之音註屈求勿  
以守國而待暴客者也其衰世之意耶音註居勿二  
反乘繩證  
反長上聲

秋九月齊侯宋公江人黃人盟于貫音註貫宋地衣裳

合之  
數

按左氏盟于貫服江黃也荆楚天下莫強焉江黃者  
其東方之與國也二國來定盟則楚人失其右臂矣  
樂毅破齊先結韓趙孔明伐魏申好江東雖武王牧  
野之師亦誓友邦遠及庸蜀彭濮八國之人共為掎

角之勢也桓公此盟其服荆楚之慮周矣其攘夷狄  
免民於左社之義著矣盟雖春秋所惡然諸侯皆在  
獨言遠國者  
許是盟也

冬十月不雨

楚人侵鄭

甲惠王二  
子十年

三年

齊桓二十九晉獻二十衛文三蔡穆十  
八鄭文十六曹昭五陳宣三十六杞惠

十六宋桓二十五  
秦穆三楚成十五

春王正月不雨夏四月不雨

穀梁子曰不雨者勤雨也每時而一書閔雨也閔雨  
者有志乎民者也歷時而總書不憂雨也不憂雨者

無志乎民者也按詩稱僖公儉以足用寬以愛民務農重穀則誠賢君也其有志乎民審矣故冬不雨而書春不雨而書夏不雨而書以著其勤也文公以練祭則緩於作主以宗廟則世室屋壞以賦政則四不視朔以邦交則三不會盟其無志乎民亦審矣故自十有二月不雨至於秋七月而書自正月不雨至於秋七月而書以著其慢也

**音註**

以練祭則緩於作主見文公二年以宗廟則世室屋壞見文公十三

年以賦政則四不視朔見文公十六年以邦交則三不會盟見文七年十五年十七年自十有二月不雨至於秋七月而書見文公二年自正月不雨至於秋七月而書見文公十年十三年

徐人取舒

六月雨



雨云者喜雨也。閔雨與民同其憂，喜雨與民同其樂。此君國子民之道也。觀此義，則知春秋有懼天災恤民隱之意，遇天災而不懼，視民隱而不恤，自樂其樂而不與民同也。國之亡無日矣。音註：樂音洛，下同。

秋齊侯宋公江人黃人會于陽穀音註

陽穀齊地衣裳之會不在九合

數之

按左氏謀伐楚也。或曰：侵蔡次陘之師，諸侯皆在江黃，獨不與焉，則安知其為謀伐楚乎？曰：兵有聚而為正，亦有分而為奇。諸侯之師同次于陘，所謂聚而為正也。江人黃人各守其地，所謂分而為奇也。次陘大衆厚集，其陣聲罪，致討以震中國之威。江人黃人各守其境，按兵不動，以為八國之援。此克敵制勝之謀。

也退于召陵而盟禮定循海以歸而濤塗執然後及  
江人黃人伐陳則知侵蔡次陘而二國不會自為掎  
角之勢明矣此大會  
而未言者善是謀也

# 冬公子友如齊涖盟

## 楚人伐鄭

乙惠王二年四年齊桓三十晉獻二十一衛文四蔡穆十  
丑十一年九鄭文十七曹昭六陳宣三十七杞惠

十七宋桓二十六  
秦穆四楚成十六

春王正月公會齊侯宋公桓陳侯宣衛侯文鄭伯文許

男僖曹伯昭侵蔡蔡潰遂伐楚次于陘音註侵蔡遂伐  
楚以見齊

霸侵陳遂侵宋以見楚霸○陞楚地音刑  
楚強齊欲綏之以德故不速進而次于陞

潛師掠境曰侵侵蔡者奇也聲罪致討曰伐伐楚者  
正也遂者繼事之詞而有專意次止也楚貢包茅不  
入王祭不共無以縮酒桓公是微而楚人服罪師則  
有名矣孟子何以獨言春秋無義戰也譬之殺人者  
或曰人可殺歟曰可孰可以殺之曰為士師則可以  
殺之矣國可伐歟曰可孰可以伐之曰為天吏則可  
以伐之矣楚雖暴橫憑陵上國齊不請命擅合諸侯  
豈所謂為天吏以伐之乎春秋以義正名而樂與人  
為善以義正名則君臣之分嚴矣書遂伐楚譏其專  
也樂與人為善苟志於善斯善之矣書次于陞楚屈  
完來盟于師盟于

音註

共音恭  
橫去聲

召陵序其績也

夏許男新臣卒音註

穆公卒僖  
公業立

劉敞曰諸侯卒于外者在師則稱師在會則稱會今  
許男一無稱者此去師與會而復歸其國之驗也召  
陵地在潁川是以許男復焉古者國君即位而為禋  
歲一漆之出疆必載禋卒于師曰師卒于會曰會正  
也許男新臣卒非正也其為人君不知命者也不知  
命則必畏死畏死則必貪生貪生則必亂於禮矣而  
後有容身苟免之恥而後有淫祀非望之惑此說是  
也夫知生死之說通晝夜之道者亦豈有以異於人  
哉苟得正而斃

音註

禋音  
闕

馬則無求矣

楚屈完來盟于師盟于召陵音註

不戰服楚也召陵  
潁川縣召音邵

楚大夫未有以名氏通者其曰屈完進之也其不稱  
使權在完也來盟于師嘉服義也盟于召陵序桓續  
也桓公帥八國之師侵蔡而蔡潰伐楚而楚人震恐  
兵力強矣責包茅之不貢則諾問昭王之不復則辭

傲與同好則承以寡君之願語其戰勝攻克則對以  
用力之難然而桓公退師召陵以禮楚使卒與之盟  
而不遂也於此見齊師雖強桓公能以律用之而不  
暴楚人已服桓公能以禮下之而不驕庶幾乎王者  
之事矣故春秋之盟於斯為盛而楊子稱音註傲古  
之曰齊桓之時音註而春秋美召陵是也音註堯反  
好去聲語去聲使  
去聲緼委粉反

齊人執陳轅濤塗音註

轅濤塗陳大夫轅音袁

秋及江人黃人伐陳

八月公至自伐楚

葬許穆公

冬十有二月公孫茲帥師會齊人宋人衛人鄭人許人

曹人侵陳音註

公孫茲叔牙子即叔孫戴伯也霸國大夫會諸大夫侵與國自此始

楊子法言或問為政有幾曰思數昔在周公征于東方四國是王其思矣夫齊桓公欲徑陳陳不果納執轅濤塗其數矣夫桓公識明而量淺管仲器不足而才有餘方楚人未帖而齊以為憂也致勤於鄭振中夏之威會于陽穀悼遠國之信按兵于陘修文告之辭退舍召陵結會盟之禮何其念之深禮之謹也存此心以進善則桓有王德而管氏為王佐矣堯舜性之也湯武身之也五霸假之也以假而不歸惡知其非有惜乎桓公假之不久而遽歸也楚方受盟志已驕溢陳大夫一謀不協其身見執其國見伐見侵而怒猶未息也桓德於是乎衰矣愛人不親反其仁治人不治反其智禮人不答反其敬行有不得者皆反

求諸己其身正而天下歸之曾可厚以責人不自反  
乎原其失在於量淺而器不宏也魏武纔得荊州而  
張松見忽唐莊宗自矜取汴而高氏不朝成湯勝夏  
撫有萬方乃曰茲朕未知獲戾于上下慄慄危懼若  
將隕于深淵其爾萬方有罪在予一人予一人有罪  
無以爾萬方人之度量相越豈不遠哉春秋稱人以  
執罪齊侯也稱侵陳者深責之也故孟子曰仲尼之  
徒無道桓文之事者管仲曾西之所不為也而子為  
我願音註數音繹  
之乎音亮

丙惠王二年五年齊桓三十一晉獻二十二衛文五蔡穆  
寅十二年二十鄭文十八曹昭七陳宣三十八杞  
惠十八宋桓二十七  
秦穆五楚成十七

春晉侯殺其世子申生

公羊子曰殺世子母弟直稱君者甚之也申生進不能自明退不能違難愛父以姑息而陷之不義饒人得志幾至亡國先儒以為大仁之賊也而目晉侯斥殺專罪獻公何也春秋端本清源之書也內寵並后嬖子配適亂之本也驪姬寵美齊卓子嬖亂本成矣尸此者其誰乎是故目晉侯斥殺專罪獻公使後世有欲紊妃妾之名亂適庶之位縱人欲滅天理以敗其家國者知所戒焉以此防民猶有以堯母名門使姦臣逆探其意有危皇后太

**音註**

幾平聲適音嫡下同

杞伯姬來朝其子音註

伯姬歸寧成風因見其子於公時子年十歲左右未能行朝禮

故繫於母而曰朝其子也

夏公孫茲如牟音註

牟小國



公及齊侯宋公陳侯衛侯鄭伯許男曹伯會王世子于

首止音註

首止衛地衣裳之會七○殊會世子不以世子夷於諸侯所以定世子也

及以會尊之也以王世子而下會諸侯則陵以諸侯而上與王世子會則抗春秋抑強臣扶弱主撥亂世反之正特書及以會者若曰王世子在是諸侯咸往會焉示不可得而抗也後世論其班位有次于三公宰臣之下亦有序乎其上者則將奚正自天王而言欲屈遠其子使次乎其下示謙德也自臣下而言欲尊敬王世子則序乎其上正分義也天尊地卑而其分定典叙禮秩而其義明使羣臣得伸其敬則責有常尊上下辨矣經書宰周公祇與王人同序於諸侯之上而不得與殊會同書此聖人尊君抑臣之旨也而班位

音註

祇音走矣

# 秋八月諸侯盟于首止

無中事復舉諸侯會盟同地再言首止者書之重詞之複其中必有大美惡焉首止之盟美之大者也王將以愛易世子桓公有憂之控大國扶小國會于首止以定其位太子踐阼是為襄王一舉而君臣父子之道皆得焉故夫子稱之曰管仲相桓公一匡天下民到于今受其賜微管仲吾其被髮左衽矣中國之為中國以有父子君臣之大倫也一失則為夷狄矣故曰首止之盟美之大者也

音註

被皮寄反

社而審反

## 鄭伯逃歸不盟

事有惡者不與為幸其善者不與為貶平丘之盟惡也請魯無勤是以為幸故直書曰公不與盟首止之

盟善也犯衆不盟是以爲貶故特書曰鄭伯逃歸逃者匹夫之事以諸侯之尊下行匹夫之事雖悔於終病而乞盟如所喪何其書逃歸不盟深貶之也或曰首止之會非王志也王惡齊侯定世子而使周公召鄭伯曰吾撫汝以從楚可以少安鄭伯喜於王命而畏齊故逃歸不盟然則何罪乎曰春秋道名分尊天王而以大義爲主夫義者權名分之中而當其可之謂也諸侯會王世子雖衰世之事而春秋與之者是變之中也鄭伯雖承王命而制命非義春秋逃之者亦變之中也天下之大倫有常有變舜之於父子湯武之於君臣周公之於兄弟皆處其變者也賢者守其常聖人盡其變會首止逃鄭伯處父子君臣之變而不失其中也噫此春秋之所以爲春秋而非聖人莫能修之者矣

**音註**

喪息浪反惡

去聲分當  
並去聲

楚人滅弦弦子奔黃

九月戊申朔日有食之

冬晉人執虞公

公羊子曰虞已滅矣其言執何不與滅也滅者亡國之善詞上下之同力也若夫虞公地之縕於晉久矣晉命行乎虞民信矣其曰晉人執之者猶衆執獨夫耳貴為天子富有四海而身為獨夫商紂是也貴為諸侯富有一國而身為獨夫虞公是也其曰公者非存其爵猶下執之之詞也不言以歸驗其為匹夫之實也書滅下陽於始而記執虞公於後可以音註見棄義趨利瀆貨無厭之能亡國敗家審矣

聲

音註

平

丁惠王二年  
卯十三年  
六年

齊桓三十二晉獻二十三衛文六蔡穆二十一鄭文十九曹昭八陳宣三十九

杞成公元年宋桓二十八秦穆六楚成十八

春王正月

夏公會齊侯宋公陳侯衛侯曹伯伐鄭圍新城音註城新

鄭新密也

秋楚人圍許諸侯遂救許音註夷狄始滅國中國

冬公至自伐鄭

齊自召陵之後兵服四夷威動諸夏今合六國之師圍新造之邑宜若振槁然圍而不舉有遺力者矣及

楚人攻許即解新城之圍移師救許是人得討罪分  
災救急之義也故特書曰楚人圍許諸侯遂救許凡  
善救者未有不善之也其曰遂救許

善之尤者也善之尤則何以致久也  
戊惠王二十七年齊桓三十三晉獻二十四衛文七蔡穆  
辰十四年二十二年鄭文二十曹昭九卒陳宣四十

杞成二宋桓二十九  
秦穆七楚成十九

# 春齊人伐鄭

## 夏小邾子來朝

## 鄭殺其大夫申侯音註

申侯即  
申出也

將軍師少稱人聲罪致討曰伐鄭伯背華即夷南與  
楚合而未離也故桓公復治之孔叔言於其君請下

齊以救國鄭伯曰吾知其所由來矣姑少待我於是  
殺申侯以說於齊稱國以殺者罪累上也不知自反  
內忌聽讒而擅殺其大夫信失刑矣如申侯者其  
見殺何也專利而不厭則足以殺其身而已矣 音

註厭於  
虔反

秋七月公會齊侯宋公陳世子款鄭世子華盟于甯母

音註

甯母魯地高平方與縣有泥母  
亭母音某又音無衣裳之會八

曹伯班卒音註

昭公卒子  
共公襄立

公子友如齊

冬葬曹昭公

已惠王二十八年齊桓三十四晉獻二十五衛文八蔡

已五年崩穆二十三鄭文二十一曹共公襄元

年陳宣四十一杞成三宋

桓三十秦穆八楚成二十

春王正月公會王人齊侯宋公衛侯許男曹伯陳世子

款盟于洮鄭伯乞盟音註

洮曹地兵車之會一○王人與諸侯盟不譏者王室有難

也故

王人下士也內臣之微者莫微於下士外臣之貴者莫貴於方伯公侯今以下士之微序乎方伯公侯之上外輕內重不亦偏乎春秋之法內臣以私事出朝者直書曰來以私好出聘者不稱其使以私情出計者止錄其名不以其貴故尊之也以王命行者雖下士之微序乎方伯公侯之上不以其賤故輕之也然



則班列之高下不在乎內外特繫乎王命爾聖人之  
情見矣尊君之義明矣乞者卑遜自屈之辭欲與是  
盟而未知其得與否也始而逃歸今則乞  
盟於以見舉動人君之大節不可不慎也  
**音註** 好去聲

# 夏狄伐魯

## 秋七月禘于大廟用致夫人音註

大音泰

按禮大禘升歌清廟下而管象朱干玉戚以舞大武  
八佾以舞大夏此天子之禮樂也踐其位則行其禮  
奏其樂故雖禘太祖周頌也而其詩曰相維辟公天  
子穆穆周公人臣不踐其位魯侯國而用天子之禮  
亂名犯分莫大乎是故夫子志之曰郊社之禮所以  
事上帝也宗廟之禮所以祀乎其先也魯侯國而以  
王禮祀大廟是誣偽不誠而非所以事乎其先矣故  
夫子傷之曰禘自既灌而往者吾不欲觀之夫灌以

降神乃祭之始而已不欲觀是自始至終皆非禮矣  
用者不宜用也致者不宜致也夫人者風氏也初成  
風聞季友之歸遂事之而屬僖公焉故季子立之公  
賜季友汶陽之田及費又生而命之氏俾世其卿而  
私門強矣於成風則舉大事於始祖之廟立以為夫  
人而嫡妾亂矣以私勞寵其臣而卑公室以私恩崇  
其母而輕宗廟皆越禮之罪也經  
書夫人而不稱姓氏其貶深矣

# 冬十有二月丁未天王崩

庚襄王九年齊桓三十五晉獻二十六卒衛文九蔡穆  
午元年二十四鄭文二十二曹共二陳宣四十二

杞成四宋桓三十一卒  
秦穆九楚成二十一

春王正月丁丑宋公御說卒音註御說宋公名也音語  
悅桓公卒子襄公茲

父立

夏公會宰周公

孔

齊侯

桓

宋子

襄

衛侯

文

鄭伯

文

許男

僖

曹伯于葵丘音註

宰周公天子之為政者也葵丘齊地在陳留縣東衣裳之會九

其曰宰周公者以冢宰兼三公也古者三公無其人則以六卿之有道者上兼師保之任冢宰或闕亦以三公下行端揆之職禹自司空進宅百揆又曰作朕股肱耳目是以宰臣上兼師保之任也周公為師又曰位冢宰正百工是以三公下行端揆之職也所以然者三公與王坐而論道固難其人而冢宰統百官均四海亦不易處也夫以冢宰兼三公其職任重矣而不殊會之何也人臣則有進退之節出入均勞之義非王世子貴有

音註

易去聲處上聲

常尊之可比矣

秋七月乙酉伯姬卒

九月戊辰諸侯盟于葵丘音註

桓之會有天子之事三於泚既序王人於諸侯

之上而同盟焉於葵丘亦序周公於諸侯之上而不敢同盟焉盟於首止不但不同盟也而帥諸侯以會世子桓知節矣春秋是以予桓也

會盟同地再言葵丘何也書之重辭之複其中必有大美惡焉葵丘之盟美之大者也初命曰誅不孝無易樹子無以妾為妻再命曰尊賢育材以彰有德三命曰敬老慈幼無忘賓旅四命曰士無世官官事無攝取士必得無專殺大夫五命曰無曲防無遏糴無有封而不告曰凡我同盟之人既盟之後言歸于好以是為盡禁矣諸侯咸喻乎桓公之志蓋來牲載書而不軟血也是故會盟同地而再言葵丘美之也觀

孟子所載此盟初命之辭則知桓公翼戴襄王之事信矣

甲子晉侯詭諸卒音註

獻公卒子奚齊立詭九女反

冬晉里克殺其君之子奚齊音註

獻公未葬奚齊未成君故稱君之子奚齊

受命繼位無罪故里克稱名○是年晉里克弑其君卓晉惠公夷吾立

穀梁子曰其君之子云者國人不子也不正其殺申生而立之也人君擅一國之名寵為其所子則當子矣國人何為不子也民至愚而神是非好惡靡不明且公也其為子而弗子者莫能使人弗之子也非所子而子之者莫能使人之亦子也周幽王嘗黜太子宜臼子伯服矣而犬戎殺其身晉欒公亦殺世子申生立奚齊矣而大臣殺其子詩不云乎天生蒸民有物有則民之秉彝好是懿德此言天理根於人心雖

以私欲滅之而有不可滅也春秋書此以明獻公之  
罪抑人欲之私示天理之公為後世戒其義大矣以  
此防民猶有欲易太子而立趙  
王如意致夫人之為人庶者  
音註好惡並去聲周  
白子服伯矣而犬戎殺其身註見隱公元年欲易太  
子而立趙王如意致夫人之為人庶事見漢書惠帝  
元年

辛襄王十年齊桓三十六晉惠公夷吾元年衛文十蔡  
未二年穆二十五鄭文二十三曹共三陳宣四十  
三杞成五宋襄公茲父元  
年秦穆十楚成二十二

春王正月公如齊音註

○魯始屈於大國  
朝齊之始

狄滅溫溫子奔衛音註

溫王畿地蓋中國  
也狄滅而居其地

晉里克弑其君卓音註

弑卓在前年而以  
今春書者從赴也

國人不君奚齊卓子而曰里克弑其君卓何也是里克君之也克者世子申生之傅也驪姬將殺世子而難里克使優施飲之酒而告之以其故里克聽其謀乃欲以中立自免稱疾不朝居三旬而難作是謂持祿容身速獻公殺適立庶之禍者故成其君臣之名以正其弑逆之罪克雖欲辭而不受其可得乎使克明於大臣之義據經廷諍以動其君執節不貳固太子以攜其黨多為之故以變其志其濟則國之福也其不濟而死於其職亦無歎矣人臣所明者義於功不貴幸而成所立者節於死不貴幸而免克欲以中立祈免自謂智矣而終亦不能免等死耳不死於世子而死於弑君其亦不知命之蔽哉語曰不知命無以為君子也為人臣而不知春秋之義者必陷於篡弑誅死之罪克之謂也

音註

難乃旦反下同

飲於鵠反  
適音嫡

# 及其大夫荀息音註

荀息從君於  
昏故稱名

荀息者奚齊卓子之傅也君弑而死於難書及所以  
著其節書大夫不失其官也於荀息何取焉若息者  
可謂不食其言矣或曰息既從君於昏不食其言庸  
足取乎世衰道微人愛其情私相疑貳以成傾危之  
俗至於刑牲歃血要質鬼神猶不能固其約也孰有  
可以託六尺之孤寄百里之命臨死節而不可奪如  
息者哉自古皆有死民無信不立故聖人以信  
易食而君子以信易生息不食言其可少乎  
音註  
難乃旦反  
要平聲

# 夏齊侯許男伐北戎音註

北戎  
山戎



晉殺其大夫里克

音註 里克親為三怨之  
主弑二君故稱名

里克弑二君與一大夫不以討賊之詞書者惠公殺之  
不以其罪也殺之不以其罪奈何里克所為弑者為重耳也  
夷吾曰是又將殺我也則謂克曰爾既殺夫二孺子矣  
又將圖寡人為爾君者不亦病乎里克對曰不有廢也  
君何以興欲加之罪何患無詞臣聞命矣伏劍而死  
若惠公既立而謂克曰先君命大夫為世子傳世子死  
非其罪而大夫不之恤若奚齊者既有先君之命矣而大夫又殺之  
以及卓大夫雖殺之獨不念先君之命乎則克必再拜而死  
不復有言矣惠公乃曰又將圖寡人是殺之不以其罪也故稱國  
以殺而音註為于偽反下同重不去其官音註平聲復扶又反

秋七月

冬大雨雪音註

雨如字又去聲

壬襄王申三年

十有一年

齊桓三十七晉惠二衛文十一蔡穆二十六鄭文二十四曹共四陳宣四

十四杞成六宋襄二秦穆十一楚成二十三

春晉殺其大夫平鄭父音註

平鄭父里克之黨○以私怨謀亂國書名罪之書春

從告也

按左氏平鄭言於秦伯請出晉君則鄭有罪矣曷為稱國以殺而不去其官惠公以私意殺里克故其黨皆懼鄭之有此謀由殺里克致之也春秋以大義公天下為誅賞故書法如此其稱國者兼罪用事大夫不能格君心之非至於

音註

去上聲

多忌濫刑危其國也

夏公及夫人姜氏會齊侯于陽穀音註

齊侯之志荒矣

襄陵許翰曰先乎陽穀之會為大雨雪後乎陽穀之會為大雩僖公賢君不能禮佐齊桓徹其怠忽而更與之俱肆于寵樂是以見戒於天如此以公夫人陽穀之會觀之齊桓伯業怠矣故楚人伐黃不能救凡此類屬詞比事直書音註襄陵許翰按宋鑑許翰洪子策而義自見者也音註襄陵許翰按宋鑑許翰洪官翰林學士同知樞密院高宗時拜尚書中丞終資政殿大學士翰通經術正而不撓歷事三朝致位政府論議剴切然橫遭口語志卒不展所著有春秋傳屬入聲比去聲見音現

秋八月大雩

冬楚人伐黃音註

黃人不歸楚貢故楚人伐之

按穀梁子曰貫之盟管敬仲言於桓公江黃遠齊而近楚楚為利之國也若伐而不能救則無以宗諸侯矣桓公不聽遂與之盟管仲死楚伐江滅黃桓公不能救故君子閔之也遠國慕義背夷即華所謂出自幽谷遷于喬木春秋之所取也被兵城守更歷三時告命已至而援師不出則夫救患分災攘夷狄安與國之義矣滅弦滅溫皆不書伐滅黃而書音註伐者罪桓公既與會盟而又不能救也音註皮寄反音註援去聲音註佩被

春秋傳卷十一



覆校官檢討臣季學錦

校對官修撰臣張書勳

謄錄監生臣周志禮

謄錄監生臣施昌華

欽定四庫全書薈要

經部  
春秋傳卷十二至  
五



春秋傳卷十二

宋 胡安國 撰

僖公中

葵

襄王

十有二年

齊桓三十八 晉惠三 衛文十二 蔡穆

十四年

二十七

鄭文二十五 曹共五 陳宣四

十五年

卒杞成七 宋襄三

春 穆十二 楚成二十四

春王三月庚午日有食之

夏楚人滅黃

春秋滅人之國其罪則一而見滅之君其例有三以  
歸者既無死難之節又無克復之志貪生畏死甘就



執辱其罪為重許斯頓牂之類是也出奔者雖不死  
於社稷有興復之望焉託於諸侯猶得寓禮其罪為  
輕弦子溫子之類是也若夫國滅死於其位是得正  
而斃焉者矣於禮為合於時為不幸若江黃二國是  
也其書滅者見夷狄之強罪諸夏之弱責方伯連帥  
之不修其職使小國賢君困於強暴不得其所公羊  
子所謂亡國之善詞  
音註 難乃旦反牂作即反猶得  
上下之同力者也  
寓禮禮記郊特牲諸侯不  
臣寓公斃毗祭反  
見音現帥去聲

秋七月

冬十有二月丁丑陳侯杵臼卒

音註 宣公卒子  
穆公款立

甲寅王  
戊戌五年 十有三年

齊桓三十九晉惠四衛文十三蔡穆  
二十八鄭文二十六曹共六陳穆公

欽元年杞成八宋襄四  
秦穆十三楚成二十五

# 春秋侵衛

齊桓公為陽穀之會是肆于寵樂其行荒矣楚人伐  
黃而救兵不起是忽于簡書其業怠矣然後狄人窺  
伺中國今年侵衛明年侵鄭近在王都之側淮夷亦  
來病杞而不忘也伯益戒於舜曰無怠無荒四夷來  
王此至誠無息帝王之道春秋之法也齊桓晉文若  
此類者其事則直書于策其義則游聖門者默識於  
言意之表矣故曰仲尼  
**音註**  
樂音洛行去  
聲伺斯義反  
之徒無道桓文之事者

## 夏四月葬陳宣公

公會齊侯宋公陳侯衛侯鄭伯許男曹伯于鹹  
**音註**  
鹹

地兵車  
之會二

秋九月大雩

冬公子友如齊

乙亥  
六年

十有四年

齊桓四十晉惠五衛文十四蔡穆二  
十九年鄭文二十七曹共七陳穆二

杞成九年宋襄五秦穆  
十四楚成二十六

春諸侯城緣陵音註

緣陵杞邑○不序諸侯散辭也是  
故但曰諸侯者不係之伯者之辭

也但曰大夫者不  
係之君之辭也

齊桓公城三國而書詞不同城楚丘則沒諸侯而不  
書城緣陵則書諸侯而不序城邢則再序三國之師

何也邢以自違為文故再列三師而書城邢者美其得救惠分災之義無封國之嫌也淮夷病杞諸侯會于鹹城緣陵而違杞焉則其事專矣故前目後凡直書諸侯而不序也衛為狄滅東徙渡河野處曹邑桓公使公子無虧戌以甲士歸其祭服乘馬凡為國之用其力尤勤其功尤大其事尤專而春秋責之尤重曰城楚丘而不書諸侯正王法也是故以功言之則楚丘為大以義言之則城邢為美春秋之法明其道不計其功正其義不謀其利者也詳著城邢之師而深沒楚丘之迹責王賤霸羞稱桓文以正待人之體也明此則知曾西不為音註來繩証反管仲深畏仲由之說矣

# 夏六月季姬及鄆子遇于防使鄆子來朝

春秋內女過人者明有所從則係諸國若杞伯姬是也其未過人者欲有所別則書其字若子叔姬是也

季姬書字而未係諸國其女而非婦亦明矣及者內  
為志內女而外與諸侯遇譏魯也朝不言使言使非  
正鄆子國君而季姬使之朝病鄆也魯秉周禮男女  
之際豈其若是之甚乎蓋魯公鍾愛其女使自擇配  
故得與鄆子遇于防而遂以季姬歸之爾有孟光之  
德有伯鸞之賢變而不失禮之正則猶可矣不然非  
所以為愛而厚其別也故稱及稱遇稱使  
罪魯與鄆以正男女之禮為後世戒也

# 秋八月辛卯沙鹿崩音註

沙鹿山名

沙鹿晉地也卜偃曰期年必有大咎國幾亡詩稱百  
川沸騰山豕萃崩言西周之將亡也書沙鹿崩於前  
書獲晉侯於後雖不指其事應而事應具存此春秋  
畏物之反常為異使人恐懼修省之意也其垂戒明

矣

## 音註

應去聲

狄侵鄭

冬蔡侯貜卒

音註 穆侯卒于莊公甲午立

丙襄王十有五年

齊桓四十一晉惠六衛文十五蔡莊公甲午元年鄭文二十八曹共八陳

穆三杞成十宋襄六秦穆十五楚成二十七

春王正月公如齊

楚人伐徐

音註 楚至伐徐伯事可知矣

三月公會齊侯

桓

宋公

襄

陳侯

穆

衛侯

文

鄭伯

文

許男

僖曹伯

共

盟于牡丘遂次于匡

音註

牡丘齊地與匡近匡衛地○兵車之

三會

公孫敖帥師及諸侯之大夫救徐

楚都于郢距徐亦遠而舉兵伐徐暴橫憑陵之罪著矣徐在山東與齊密邇以封境言之不可以不速救以形勢言之非有餽糧越險之難也今書盟于牡丘見諸侯救患之不協矣書次于匡見霸主號令之不嚴矣書大夫帥師而諸侯不行見桓德益衰而禦夷狄安中國之志怠矣凡兵而書救未有不善之也救而書次則尤罪其當速而故緩失用師之義矣中庸曰至誠無息不息則久春秋謹始卒欲有國者敦不息之誠也始勤而終怠則久春秋謹始卒欲有國者敦不能久而無以固其國矣

音註

橫去聲

夏五月日有食之音註

不書朔與日官失之也

秋七月齊師曹師伐厲音註

厲楚與國

八月螽

九月公至自會音註

桓公之會不至至此始書桓德衰矣

季姬歸于鄆

己卯晦震夷伯之廟音註

夷伯魯大夫展氏之祖父夷諡伯字震者雷電擊夷伯之

廟也不曰夷伯之廟震而曰震夷伯之廟者天應之也天人相感之際微矣夷伯者魯大夫也大夫既卒不名殺梁以為因此見天子至于士皆有廟天子七廟諸侯五大夫三士二故德厚者流光德薄者流卑是以貴始德之本也始封必為祖



冬宋人伐曹

楚人敗徐于婁林音註

婁林徐地病徐也

十有一月壬戌晉侯

惠

及秦伯

穆

戰于韓獲晉侯音註

韓晉地秦始見經此晉秦兵交之始○是故晉秦兵交始於韓而終於十三國之伐

秦伯伐晉而經不書伐專罪晉也獲晉侯以歸而經不書歸免秦伯也書伐書及者兩俱有罪而以及為主書獲書歸者兩俱有罪而以歸為甚今此專罪晉侯之背施幸災貪愛怒鄰而怒秦伯也然則秦戰義乎春秋無義戰彼善於此則有之矣其不言師敗績何也君獲不言師敗績若重於師也大夫戰而見獲必書師敗績師與大夫敵也君為重師次之大夫敵春秋之法也與孟子之言何以異孟子為時君牛羊

用人莫之恤也故以民為貴君為輕春秋正名定分為萬世法故以君為重師次之堯以天下命舜舜亦以命禹必稱元后為先此經世大常而仲尼蓋祖述之也惟此義不行然後叛逆之黨有託以為民輕棄君親而不顧者矣

丁襄王十有六年

齊桓四十二晉惠七衛文十六蔡莊二鄭文二十九曹共九陳穆四杞成

十一宋襄七秦穆十六楚成二十八

春王正月戊申朔隕石于宋五音註

隕公羊作實落也

是月六鷁退飛過宋都音註

鷁鳥名五歷反穀梁作鷁過古禾反

隕石自空凝結而隕也退飛有氣逆驅而飛也石隕鷁飛而得其數與名在春秋時凡有國者察於物象

之變亦審矣此宋異也何以書于魯史亦見當時諸國有非所當告而告者矣何以不削乎聖人因災異以明天人感應之理而著之於經垂戒後世如石隕于宋而書曰隕石此天應之也和氣致祥乖氣致異人事感於下則天變應於上苟知其故恐懼修省變可消矣宋襄公以亡國之餘欲圖伯業五石隕六鷁退飛不自省其德也後五年有孟之執又明年有泓之敗天之示人顯矣聖人所書之義明矣可不察哉

### 三月壬申公子季友卒

季者其字也友者其名也大夫卒而書名則曷為稱字聞諸師曰春秋時魯卿有生而賜氏者季友仲遂是也生而賜氏者何命之為世卿也季子忠賢在僖公有翼戴之勤襄仲弑逆在宣公有援立之力此二君者不勝私情欲以異賞報之也故皆生而賜氏俾世其官經於其卒各以氏書者誌變法亂紀之端貽

權臣竊命之禍  
其垂戒遠矣

# 夏四月丙申鄆季姬卒

內女嫁於諸侯則尊同尊同則記其卒記其卒則必  
記其葬然而有不記者此筆削之旨非可以例求者  
也宋伯姬在家為淑女既嫁為賢婦死於義而不回  
此行之超絕卓異者既書其葬又載其諡僖公鍾愛  
季姬使自擇配季姬不能自克以禮恃愛而行雖書  
其卒因奪其葬所以謹夫婦之道正人倫之統明王  
教之始也以此防民猶有嫁殤立廟舉朝  
素衣親臨祖載如魏明帝之厚其女者  
其卒本穀梁  
云行去聲

# 秋七月甲子公孫茲卒

音註

尊同則記

冬十有二月公會齊侯宋公

襄

陳侯

穆

衛侯

文

鄭伯

文

許男

僖

邢侯曹伯

共

于淮音註

淮

臨淮郡左右兵車之會四

戊襄王寅九年

十有七年

齊桓四十三卒晉惠八衛文十七蔡莊三鄭文三十曹共十陳穆五杞成

十二宋襄八秦穆十七楚成二十九

春齊人徐人伐英氏音註

英氏楚之與國皐陶之後也

夏滅項音註

項國名子爵○公猶在會而師滅項非公命也此失兵權之漸按左氏淮之會公有

諸侯之事未歸而取項齊人以為討而止公然則滅項者魯也二傳以為桓公滅之孰信乎考於經未有書外滅而不言國者如齊師滅譚是也亦未有書內取而直言魯者如取郛取邾取鄆是也由此知項為

魯滅無疑矣然聖人於魯事有君臣之義凡大惡必  
隱避其辭而為之諱今此滅項其惡大矣曷不諱乎  
曰事有隱諱臣子施之於君父者也故成公取鄆襄  
公取邾昭公取郕皆不言滅而書取程氏以為在君  
則當諱是也若夫滅項則僖公在會李孫所為耳執  
政之臣擅權為惡而不與之諱此春秋尊君抑臣不  
為朋黨比音註鄆音專邾音詩為周之意也音註于偽反比毗志反

秋夫人姜氏會齊侯于卞音註卞魯地

九月公至自會音註公既見執于齊猶以會致者諱之也

冬十有二月乙亥齊侯小白卒

己未王十有八年宋襄九年齊孝公昭元年晉惠九年衛文公十八蔡莊四鄭文三十一曹共十一

陳穆六杞成十三秦  
穆十八楚成三十

春王正月宋公曹伯衛人邾人伐齊

夏師救齊

五月戊寅宋師及齊師戰于甌齊師敗績

音註甌齊地  
言彥猷

三音

狄救齊音註

救四公  
子之徒

伐齊之喪奉少奪長其罪大故其責詳書師救齊者  
善魯也救者善則伐者惡矣凡書救者未有不善之  
也書狄救齊者許狄也許夷狄則罪諸夏矣許之局  
為不稱人深著中國諸侯之罪也凡伐者為客受伐

者為主今齊人受伐以宋為主者曲在宋也凡師直  
為壯曲為老書齊師敗績者責齊臣也或曰桓公管  
仲嘗屬孝公於宋襄公以為世子矣則何以不可立  
乎曰不能制命雖天王欲撫鄭伯以從楚春秋猶以  
大義裁之而不與也桓公君臣乃欲以私愛亂長幼  
之節其可哉獨不見宣王與仲山甫爭魯侯戲括之  
事其後如之何也春秋  
深罪宋公大義明矣

**音註**

少去聲長上聲  
下同屬章欲反

# 秋八月丁亥葬齊桓公

桓公九合諸侯不以兵車威令加乎四海幾於改物  
雖名方伯實行天子之事然而不能慎終如始付託  
非人桓方在殯四鄰謀動其國家而莫之恤至於九  
月而後葬以此見功利之在人淺矣春秋明道正義  
不急近功不規小利於齊桓晉  
文之事有所貶而無過褒以此

**音註**

幾平聲



冬邢人狄人伐衛音註

狄稱人  
始

狄稱人進之也慕義而來進之可也以夷狄伐衛而進之可乎伐衛所以救齊也衛嘗亡滅東徙渡河無所控告齊桓公攘戎狄而封之使衛國忘亡誰之賜也桓公方沒不念舊德欲厚報之遽伐其喪亦太甚矣以直報怨聖人之公也以怨報怨天下之私也以德報怨寬身之仁也以怨報德刑戮之民也至是人理亡矣桓公攘夷狄安中國免民於左衽諸侯不念其賜而於衛為尤先舊狄救齊以著中國諸侯之罪再書狄人伐衛所以見救齊之善功近而德遠矣

音註

杜而審反  
見音現

庚襄王十一年十有九年

宋襄十齊孝二晉惠十衛文十九蔡莊五鄭文三十二曹共十二陳

穆七杞成十四秦穆十九楚成三十一

春王三月宋人執滕子嬰齊音註

嬰齊即宣公也  
宋襄公圖伯

執之是非決於稱人與稱爵而見執者則以名與不  
名知其罪之在也經書見執於人者悉皆不名而滕  
子獨名是亦有罪焉爾夫以齊桓之盛九合諸侯不  
以兵車雖江黃遠國猶相繼來盟而滕介齊宋之間  
不與衣裳之會者三十有七年及宋襄繼起又不尊  
事大國其見執則有由矣書名著其罪也苟為有罪  
其見執固宜宋何以稱人不得為伯討乎執雖以罪  
不歸于京師則稱人惡其專也歸于京師而執非其  
罪則稱人惡其濫也音註介側畔也與音  
預惡去聲下同

夏六月宋公曹人邾人盟于曹南音註

曹雖與盟而猶  
不肯服故不以

國地而  
曰曹南

鄆子會盟于邾音註

不及曹南之盟  
鄆乃會之於邾

己酉邾人執鄆子用之音註

鄆雖失大國會盟之信然  
宋用之為罰己重故直書

用之言若畜牲  
見其慘酷也

# 秋宋人圍曹

盟于曹南口血未乾今復圍曹者討不服也愛人不  
親反其仁治人不治反其智襄公不能內自省德而  
急於合諸侯執執嬰齊非伯討不足以示威盟曹南非  
同志不足以示信卒於兵敗身傷不知反求諸己欲  
速見小利之過也漢景削七國而吳楚叛東都疾橫  
議而黨錮興唐文宗切於除姦而訓注用故子夏為  
莒父宰問政子曰無欲速無見小利欲速則不達見  
小利則大事不成經書襄公不越數端而知其操心

之若此者仲尼筆削推見至隱如化工賦像并其情不得遯焉非特畫筆之肖其形耳故春秋者化工也

非畫筆也

音註

乾音干復扶又反治平聲下去聲橫去聲

衛人伐邢

冬會陳人

穆

蔡人

莊

楚人

成

鄭人

文

盟于齊音註

楚始與夏

盟書法如盟幽  
隍泉謹始也

盟會皆君之禮也微者盟會不志於春秋凡所志者必有君與貴大夫居其間也然則為此盟者乃公與陳蔡楚鄭之君或其大夫矣曷為內則沒公外則人諸侯與其大夫諱是盟也楚人之得與中國會盟自此始也莊公十年荆敗蔡師始見於經其後入蔡伐鄭皆以號舉夷狄之也僖公元年改而稱楚經亦書

人於是乎浸強矣然終桓公世皆止書人而不得與中國盟會者以齊修伯業能制其強故也桓公既沒中國無伯鄭伯首朝于楚其後遂為此盟故春秋沒公人陳蔡諸侯而以鄭列其下蓋深罪之也又二年復盟于鹿上至會于孟遂執宋公以伐宋而楚於是乎大張列位於陳蔡之上而書爵矣聖人書此豈與之乎所以著夷狄之強傷中國之衰莫能抗也故深諱此盟一以外夷狄二以惡諸侯之失道三以謹盟會之始也

**音註**

與音預見音現復扶又反惡去聲

**梁亡音註**

梁嬴姓伯爵伯爵之後也

陸淳曰秦肆其暴取人之國沒而不書其義安在曰乘人之危惡易見也滅人之國罪易知也自取亡滅者其事微矣春秋之作聖人所以明微也梁本侯國魚爛而亡何哉易曰天行健君子以自強不息古者

諸侯朝修其禁令重攷其國職夕省其典刑夜微其  
百工無使惰淫而後即安故克勤于邦荒度土功者  
禹也慄慄危懼檢身若不及者湯也自朝至于日中  
晏不遑暇食用咸和萬民者文王也凡有國家者土  
地雖廣人民雖衆兵甲雖多城郭雖固而不能自強  
於政治則日危月削如火消膏以至滅亡而莫覺也  
而況好土功輕民力洒於酒淫於色心  
昏而出惡政者乎其亡可立而待矣

音註

易去聲  
下同

音韜  
慢也

辛襄王二十年

宋襄十一齊孝三晉惠十一衛文二  
十蔡莊六鄭文三十三曹共十三陳

穆八杞成十五秦穆  
二十楚成三十二

春新作南門

言新者有故也言作者創始也其曰南門者南非一門也庫門天子臯門雉門天子應門書新作南門譏用民力於所不當為也魯人為長府閔子騫曰仍舊貫如之何何必改作孔子曰夫人不言言必有中春秋凡用民力得其時制者猶書于策以見勞民為重事而況輕用於所不當為者乎然僖公嘗修泮宮復閔宮矣奚斯董其役史克頌其事而經不書者宮廟以事其祖考學校以教國之子弟二者為國之先務雖用民力不可廢也

其垂教之意深矣

音註

見音現

夏部子來朝音註

部姬姓國音告

五月乙巳西宮災

鄭人入滑音註

滑姬姓國音活

秋齊人狄人盟于邢

冬楚人伐隨音註

隨姬姓國

壬襄王十

二十有一年

宋襄十二齊孝四晉惠十二衛文二十一蔡莊七鄭文三十四

午三年

曹共十四陳穆九杞成十六

秦穆二十一楚成三十三

春狄侵衛

宋人

襄齊人

孝

楚人

成

盟于鹿上音註

鹿上齊地宋為盟主故序齊上

夏大旱

秋宋公楚子陳侯蔡侯鄭伯許男曹伯會于孟執宋公



# 以伐宋音註

孟宋地音于楚始書子宋楚相爭也不言楚執宋公不以夷狄執中國之辭也

執宋公者楚子也何以不言楚子執之分惡於諸侯也諸侯皆在會而蠻夷執其會主拱子以聽而莫之敢違其不勇於為義亦甚矣故特列楚子於陳蔡之上而以同執為文夫以楚之強豈能勝秦五國之衆何弱於趙然澠池之會蔣相如一奮其氣威信敵國秦雖虎狼猶不敢動況以五國之君而不能得志於荆楚乎宋以東車之會往而楚伏兵車以執之則宋直楚曲其義已明雖以匹夫自反而縮猶不可恥矧南面之君也哉然春秋為賢者諱宋公見執不少隱之何也夫盟主者所以合天下之諸侯攘戎狄尊王室者也宋公欲繼齊桓之烈而與楚盟會豈攘戎狄尊王室之義乎故人宋公於鹿上之盟而孟之會直書其事而不隱

## 音註

澠音緬信音伸乘繩證反為去聲

冬公伐邾

楚人使宜申來獻捷音註

楚大夫始見經

不曰來獻宋捷為魯諱也諸侯從楚伐宋而魯獨不與故楚來獻捷以脅魯為魯計者拒其使而不受可也請於天王而討之可也宋公先代之後作賓王家方修盟會而伏兵車執之於壇坫之上又以軍獲遺獻諸侯其橫逆甚矣拒其使而不受聲其罪而致討不惠無詞魯於是時曾不能申大義以攘荆楚尊中國故不曰宋捷音註為于偽反與特為魯諱之也音註音預橫去聲

十有二月癸丑公會諸侯盟于薄釋宋公音註

薄宋地史記作

亳

會不書其所為獨會于稷書成宋亂者為受部鼎立  
華督也會于澶淵言宋災故者為葬蔡侯不討般也  
盟不書所為而盟于薄言釋宋公者宋方主會而蠻  
夷執而伐之以其俘獲來遺是楚人反為中國主不  
獨蠶食漢陽諸姬矣此正天下大變春秋之所謹也  
魯既不能申大義以抑其強暴使宋公見釋出自天  
王與中國而顧與軟血要言求楚子以釋之是操縱  
大權自蠻夷出其事已偵甚矣故書會書盟書釋皆  
不言楚子為魯諱以深貶之也穀梁謂不與  
楚專釋是已或以為嘉我公之救患誤矣

音註

受部

鼎立華督事見桓公二年葬蔡侯不討般事  
見襄公三十年般音班要於邈反偵都田反

癸襄王十

二十有二年

宋襄十三齊孝五晉惠十三衛  
文二十二蔡莊八鄭文三十五

未四年

曹共十五陳穆十杞成十七  
秦穆二十二楚成三十四

春公伐邾取須句音註

須句魯附庸國在東平西昌縣西北○春秋嚴義利之辨苟以

為利一以取書之是故邾滅須句須句子來奔伐邾取須句反其君焉書取須句雖莒著丘公立而不撫鄆鄆叛而來書取鄆焉

按左氏須句風姓實司太皞與有濟之祀邾人滅之須句子來奔因成風也公伐邾取須句而反其君焉審如是固得崇明祀保小寡之禮何以書取乎不請於王命而專為母家報怨謀動干戈於邦內擅取人國而反其君是以亂易亂非所為禮也與收奪者無以異矣

音註

皞胡老反濟子禮反為于偽反

以亂易亂  
本穀梁

夏宋公衛侯許男滕子伐鄭

秋八月丁未及邾人戰于升陘

音註 升陘 魯地

邾人以須句故出師公卑邾不設備戰于升陘我師敗績邾人獲公胄縣諸魚門記稱邾婁復之以矢蓋自戰于升陘始也魯既敗績邾亦幾亡輕用師徒害及兩國亦異於誅暴禁亂之兵矣故諱不言公而書諱為敗

冬十有一月己巳朔宋公及楚人戰于泓宋師敗績

音註 泓水名○宋伐鄭 楚救之故戰敗宋

泓之戰宋襄公不阨人於險不鼓不成列先儒以為至仁大義雖文王之戰不能過也而春秋不與何哉物有本末事有終始順事恕施者王政之本也襄公伐齊之喪奉少奪長使齊人有殺無虧之惡有敗績

之傷此晉獻公之所以亂其國者罪一也桓公存三  
亡國以屬諸侯義士猶曰薄德而一會虐二國之君  
罪二也曹人不服盍姑省德無闕然後動而興師圍  
之罪三也凡此三者不仁非義襄公敢行而獨愛重  
傷與二毛則亦何異盜跖之以分均出後為仁義陳  
仲子以避兄離母居於陵為廉乎夫計末遺本飾小  
名妨大德者春秋之所惡也故詞音註長展兩反於  
繁不殺而宋公書及以深貶之也音註音烏惡去聲  
殺去聲

甲襄王十  
申五年

二十有三年

宋襄十四卒齊孝六晉惠十四  
衛文二十三蔡莊九鄭文三十

六曹共十六陳穆十一杞成十  
八卒秦穆二十三楚成三十五

春齊侯伐宋圍緡音註

緡宋邑  
音民

齊霸國之餘業也宋襄公既敗于泓荆楚之勢益張矣齊侯既無尊中國攘夷狄恤災患畏簡書之意又乘其約而伐之此尤義之所不得為者也故書伐國而言圍邑以著其罪然則桓公伐鄭圍新城何以不為敗乎鄭與楚合憑陵中國桓公伐之攘夷狄也宋與楚戰兵敗身傷齊侯伐之殘中夏也其事異矣美惡不嫌

音註

桓公伐鄭圍新城事見六年

夏五月庚寅宋公茲父卒音註

襄公卒子成公王臣立

秋楚人伐陳

冬十有一月杞子卒音註

成公卒弟桓公姑容立

按左氏杞成公卒書曰子杞夷也杜預以謂杞實稱伯而書曰子者成公始行夷禮終其身故仲尼於其

卒以文貶之此說是也或曰信斯言是春秋黜陟諸侯爵次以見褒貶不亂名實乎曰春秋固天子之事也而尤謹於華夷之辨中國之所以為中國以禮義也一失則為夷狄再失則為禽獸人類滅矣魯桓暴弑滕首朝之貶而稱子治其黨也夷不亂華成公變之貶而稱子存諸夏也

乙襄王十

二十有四年

齊孝七晉惠十五卒衛文二十

西六年  
七陳穆十二杞桓公姑容元年宋成公  
王臣元年秦穆二十四楚成三十六

春王正月

夏狄伐鄭

秋七月



# 冬天王出居于鄭

按左氏鄭人入滑王為滑請鄭不聽命王怒使顏叔出狄師伐鄭而德狄人立其女隗氏為后富辰諫不聽大叔帶通于隗氏王絀狄女顏叔懼狄之怨已遂奉叔帶以狄師攻王王適鄭處于汜自周無出特書曰出者言其自取之也夫鄭伯不王固有罪矣襄王不知自反念其制命之未順也忍小忿睚眦親以扞外侮而棄德崇姦遂出狄師是用夷制夏如木之植拔其本也不亦俱乎王者以天下為家京師為室而四方歸往猶天之無不覆也東周降于列國既不能家天下矣又毀其室而不保則是寄生之君耳敗而奮出以為後戒唐資突厥之兵以伐隋而世有戎狄之禍晉藉契丹之力以取唐而卒有播遷之辱許翰以謂不講於春秋戒襄王之所以出其言信矣而華夷之辨可不謹夫居者宅其所有之稱出而曰居者

若曰普天之下莫非王土  
撥亂反正存天理之意也  
**音註** 為于偽反隗五罪反  
契詰  
結反

# 晉侯夷吾卒

丙襄王十  
有五年  
**二十有五年**  
晉文公重耳元年齊孝八衛文  
二十五年蔡莊十一鄭文三十

八曹共十八陳穆十三杞桓二宋  
成二秦穆二十五楚成三十七

## 春王正月丙午衛侯燬滅邢

衛侯何以名滅同姓也春秋之法諸侯不生名滅同  
姓則名者謂其絕先祖之裔蔑骨肉之恩故生而書  
名示王法不容誅也聖人與天地合德滅人邦國而  
絕其祀同姓與異姓奚別焉而或名或否何也正道

理一而分殊異端二本而無分分殊之弊私勝而失仁無分之罪兼愛而失義春秋之法由仁義行而人道立者也可以無差等乎然則晉滅虞楚滅夔亦同姓也曷為不名曰諸侯滅同姓則名其常也有名有不名例之變也邢雖與狄伐衛而經無譏文者為能救齊也衛人曾不反思而遽怒於邢又遣禮至昆弟往仕焉誘其守而殺之於外與虞公貪璧馬以易鄰國及其身者其情異矣春秋原情定罪而衛燬獨名蓋輕重之權衡也若荆楚則僭號稱王聖人比諸夷狄於滅夔乎何誅

**音註**

滅同姓則名者見曲

禮別筆列反分扶問反下同差楚宜反晉滅虞五年楚滅夔明年

夏四月癸酉衛侯燬卒

**音註**

文公卒子成公鄭立

宋蕩伯姬來逆婦

伯姬公女也而配蕩氏其往嫁不見於經者國若不與大夫敵也今來逆婦而史策書之見公失禮下主大夫之昏是慢宗廟卑朝廷姑自逆婦其失明矣

音註

見音現

# 宋殺其大夫

秋楚人圍陳納頓子于頓音註

頓國名今汝陰南頓縣是也○頓迫於陳而出

奔楚故楚圍陳以納頓子

圍陳納頓子也納云者不與納也諸侯失國諸侯納之正也何以不與乎夫陳先代之後不能以禮安靖鄰國保恤寡小中國諸侯又不能修方伯連率之職而使楚人納之是夷狄仗義正諸夏也故書曰楚人圍陳納頓子于頓其責中國

音註

率去聲

深矣此亦正本自治之意也

葬衛文公

冬十有二月癸亥公會衛子伋慶盟于洮

洮魯地

丁襄王十  
亥八年

二十有六年

晉文二齊孝九衛成公鄭元年  
蔡莊十二鄭文三十九曹共十

九陳穆十四杞桓三宋成三  
秦穆二十六楚成三十八

春王正月己未公會莒子衛甯速盟于向

莒地

齊人侵我西鄙公追齊師至鄆弗及音註

鄆齊地尸圭  
反濟北穀城

縣西有鄆  
下是也

書人書侵書師罪齊也書追書至鄆弗及罪魯也潛  
師入境曰侵少則稱人衆則稱師前書齊人是見其

弱以誘魯也後書齊師是伏其衆以邀魯也其為讓  
明矣凡書追者在境內則讓其不預追戎于濟西是  
也在境外則讓其深入追齊師至鄙是也鄙者齊地  
至者言遠也弗者遠辭也有畏而弗敢及之也齊魯  
皆私憤之兵而非  
正也故交讓之  
**音註** 見音現讓許元  
反濟子禮反

夏齊人伐我北鄙

**音註**

此齊侯也其稱人何自隱以來

將書君自文十五年齊懿公始大夫將書  
大夫自齊高厚始訖春秋惟邾及莒書人

衛人伐齊

公子遂如楚乞師

**音註**

書乞師始此內乞師不書書乞  
師于楚以誌中國之屈於荆蠻

也

衛人報德以怨伐齊之喪助少陵長又遷怒於邢而滅其國不義甚矣公既與其君盟于洮又與其臣盟于向是黨衛也故齊人既侵其西又伐其北齊師固亦非義矣而僖公不能省德自反深思遠慮計安社稷乃乞楚師與齊為敵是以荆蠻殘中國也於義可乎其書公于遂如楚乞師而害自見矣

音註

少去聲長展  
兩反見音現

# 秋楚人滅夔以夔子歸音註

夔楚同姓國

春秋滅國以其君歸無有不名者而夔何以獨不名按左氏夔子不祀祀融與鬻熊楚人讓之對曰我先君熊攄有疾鬼神弗赦自竄于夔是以失楚又何祀焉諸侯之祀無過其祖者而夔祖熊攄是不得祀祀融與鬻熊也而楚反以是滅之非其罪矣故特存其爵而不名也然則楚滅同姓何以不名人而不名春

秋待夷狄之體也

音註

先君熊棼故云熊棼乃變始封之祖竄七亂反

冬楚人伐宋圍緡音註

緡宋地

公以楚師伐齊取穀公至自伐齊音註

穀齊邑

楚強魯弱而能用其師進退在己故特書曰以以者不以者也夫背華即夷取人之邑為己有失正甚矣  
患之起必自此始其致危之也



春秋傳卷十二

春秋傳卷十三

宋 胡安國 撰

僖公下

戊襄王十  
子九年

二十有七年

晉文三齊孝十卒衛成二蔡莊  
十三鄭文四十曹共二十陳穆

十五杞桓四宋成四秦  
穆二十七楚成三十九

春杞子來朝

夏六月庚寅齊侯昭卒音註

孝公卒弟  
昭公潘立

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋音註

楚序諸侯上而稱人嫌予楚以

伯也

十有二月甲戌公會諸侯盟于宋

楚稱人貶也宋公先代之後作賓王家非有篡弑之惡楚人無故摻諸侯以圍之何名也故黜而稱人以著其罪諸侯信夷狄伐中國獨無貶乎人楚子所以人諸侯也公與楚結好故往會盟其地以宋者宋方見圍無嫌於與盟音註信音申好去而公之罪亦著矣音註聲與音預

己襄王二十五年

二十有八年

晉文四齊昭公潘元年衛成三蔡莊十四鄭文四十一曹共二

十一陳穆十六卒杞桓五宋成五秦穆二十八楚成四十

春晉侯侵曹晉侯伐衛音註

晉文公始圖霸自此至踐土凡五書晉侯子晉以霸

也

按左氏初公子重耳之出亡也曹衛皆不禮焉至是侵曹伐衛再稱晉侯者譏復怨也春秋之時用兵者非懷私復怨則利人土地耳詩云百爾君子不知德行不忒不求何用不臧不忒則能懲忿不求則能窒慾然後貪憤之兵亡矣或曰曹衛背華即夷於是乎致武奚為不可曰楚人摟諸侯以圍宋陳蔡鄭許舉兵而同會魯公與會而同盟楚雖得曹新昏於衛然其君不在會其師不與圍以方諸國不猶愈乎又況衛已請盟而晉人弗之許也書曰必有忍其乃有濟有容德乃大文公能忍於奄豎里鳧須矣何獨不能

忍於曹衛乎再稱晉侯者甚之也下書楚人救衛則  
識晉深矣春秋責備賢者而樂與人改過責備賢者  
故再稱晉侯樂與人改過故  
音註重直龍反行去聲  
衛已請盟不當拒而絕之也  
音註伎之鼓反樂音洛

公子買戍衛不卒戍刺之音註

公子買魯大夫○  
內殺大夫皆書刺

按左氏買為楚戍衛楚人救衛不克公懼於晉殺買  
以說焉謂楚人曰不卒戍也內殺大夫稱刺者若曰  
刺審其情與衆棄之而專殺之罪則一耳周官有三  
刺一刺曰訊羣臣再刺曰訊羣吏三刺曰訊萬民刺  
未有書其故者而以不卒戍刺之則知買為無罪矣  
孟子曰無罪而殺士則大夫可以去無罪而戮民則  
士可以徙今乃殺無罪之主將以苟說於強  
國於是乎不君矣故特書其故以貶之也  
音註將去  
聲

楚人救衛

三月丙午晉侯入曹執曹伯畀宋人音註

怒楚使戰也畀宋

古者觀文匿武修其訓典序成而不至於是乎有攻伐之兵故孟子謂萬章曰子以為有王者作將比今之諸侯而誅之乎其教之不改而後誅之乎曹伯羸者未狎晉政莫知所承晉文不修詞令遽入其國既執其君又分其田暴矣欲致楚師與之戰而以曹伯畀宋人誦矣雖一戰勝楚遂主夏盟舉動不中於禮亦多矣徒亂人上下之分無君臣之禮其功雖多道不足尚也故曰五伯三王之罪人仲尼之徒無道桓文之音註

中去聲分  
扶問反

夏四月己巳晉侯齊師宋師秦師及楚人戰于城濮楚

# 師敗績音註

城濮  
衛地

楚稱人貶也戰而言及主乎是戰者也當是時晉師  
避楚三舍請戰者得臣也而經之書及何以在晉得  
臣雖從晉師然初告於晉曰請復衛侯而封曹臣亦  
釋宋之圍是未有必戰之意也及先軫獻謀許曹衛  
以攜其黨拘宛春以激其怒而後得臣之意決矣故  
楚雖請戰而及在晉侯誅其意也荆楚恃強恐陵諸  
夏滅黃而霸主不能恤敗徐于婁林而諸大夫不能  
救執中國盟主而在會者不敢與之爭今又戍穀逼  
齊合兵圍宋戰勝中國威動天下非有城濮之敗則  
民其被髮左衽矣宜有美辭稱揚其績而春秋所書  
如此其畧何也仁人明其道不計其功正其義不謀  
其利文公一戰勝楚遂主夏盟以功利言則高矣語  
道義則三王之罪人也知此說則曾西不為管  
仲而仲尼孟子雖老于行而不悔其有以夫

# 楚殺其大夫得臣

按左氏晉師既克曹衛楚子入居于申使申叔去穀使子玉去宋曰晉侯在外十九年而果得晉國險阻艱難備嘗之矣民之情偽盡知之矣天假之年而除其害其可廢乎子玉使伯棼請戰楚子怒少與之師惟西廣東宮與若敖之六卒實從之而不止也子玉從晉師文公退三舍辟之楚衆欲止子玉不可戰于城濮楚師敗績夫得臣信有罪矣而楚子知其不可敵不能使之勿敵而少與之師又以一敗殺之是以師為重而棄其將以與之也是晉再克而楚再敗也故稱國以殺而不去其官以仲尼書鄭棄其師與楚殺得臣之事觀之可

**音註**

廣古曠反  
將去聲

為來世之永鑒矣

## 衛侯出奔楚



諸侯失國出奔未有不名者衛侯何以不名著文公之罪也衛侯失守社稷背華即夷於文公何罪乎衛之禍文公為之也初齊晉盟于斂孟衛侯請盟晉人不許是塞其向善之心雖欲自新改轍而其道無由也高帝一封雍齒而功臣不競世祖燒棄文書而反側悉安使文公釋怨許衛結盟南向諸侯棄楚而歸晉矣忿不思難惟怨是圖必使衛侯窟身無所奔于荆蠻歸于京師兄弟相殘君臣交訟誰之咎也夫心不外者乃能統大衆智不鑿者乃能處大事文公欲主夏盟取威定霸而舉動煩擾若不勝任者惟鑿智自私而心不廣也春秋於衛侯失國出奔不以其罪名之而重文公之咎蓋端本議刑責備賢者之意也

五月癸丑公會晉侯齊侯宋公蔡侯鄭伯衛子莒子盟

于踐土音註

踐土  
鄭地

踐土之會天王下勞晉侯削而不書何也周室東遷所存者號與祭耳其實不及一小國之諸侯晉文之爵雖曰侯伯而號令天下幾於改物實行天子之事此春秋之名實也與其名存實亡猶愈於名實俱亡是故天王下勞晉侯于踐土則削而不書去其實以全名所謂君道也父道也晉侯以臣召君則書天王狩于河陽正其名以統實所謂臣道也子道也而天下之大倫尚存而不滅矣衛侯奔楚不書名者未絕其位也叔武受盟而稱衛子者立以為君也此見聖人深罪晉文報怨行私專權自恣廢置諸侯之意

## 陳侯如會

公朝于王所音註

書朝王始此此先朝王而後盟是以天子與斯盟也書盟而後朝春秋不

盟以天子與斯之辭也

朝不言所言所非其所也朝于廟禮也于外非禮也  
有虞氏五載一巡守羣后四朝周制十有二年王乃  
時巡諸侯各朝于方嶽亦何必于京師于廟然後為  
禮乎古者天子巡守于四方有常時諸侯朝于方嶽  
有常所其宮室道途可以預修故民不勞其共給調  
度可以預備故國不費今天王下勞晉侯公朝于王  
所則非其時與地矣自秦而後巡遊無度至有長吏  
以倉卒不辦被誅民庶以煩勞不給生厭蓋春秋之  
義不行故也然則天子在是其可以不朝乎天子在  
是而諸侯就朝禮之變也春秋不以諸侯就朝為非  
而以王所非其所為  
**音註** 守音狩下  
同共音供  
貶正其本之意也

六月衛侯鄭自楚復歸于衛衛元咺出奔晉音註

衛元咺大

夫咺況  
晚反

衛侯失國出奔則不名復歸得國何以名殺叔武也  
叔武者衛侯之弟也晉文公有憾於衛侯而不釋怨  
於是逐衛侯立叔武叔武辭立而他人立則恐衛侯  
之不得反也於是已立乎其位始反衛侯衛侯得反  
而疑其弟則曰叔武篡我元咺爭之曰叔武無罪衛  
侯不信其言終殺叔武是不念鞠子哀而以爭國為  
由是走之晉而訟其君然衛侯初歸則稱復再歸何  
以不稱復乎春秋立法甚嚴而待人以恕鄭之初歸  
雖殺叔武既名之矣猶意其或出於誤而能革也是  
以稱復及其再歸又殺元咺及公子瑕則是終以爭  
國為心長惡不悛無自艾之意矣是以不稱復其曰  
歸于衛者易辭也諸侯嗣故稱復者繼  
之也不稱復者絕之也而國非其國矣

陳侯款卒音註

穆公卒子  
共公朔立

秋杞伯姬來音註

莊公女歸寧曰來

公子遂如齊

冬公會晉侯齊侯宋公蔡侯鄭伯陳子莒子邾子秦人

于溫音註

溫畿內國為秋所滅者

天王狩于河陽音註

晉侯召王以諸侯見是先狩而後會也春秋先書會後書狩者書狩

而後會是以天子與斯會也先書會後書狩春秋不以天子與斯會之辭也河陽即溫晉地也

按左氏晉侯召王以諸侯見仲尼曰以臣召君不可以訓故書曰天王狩于河陽以尊周而全晉也啖助謂以常禮言之晉侯召君名義之罪人也其可訓乎若原其自嫌之心嘉其尊王之意則請王之狩忠亦

至焉故夫子特書狩于河陽所謂原情為制以誠變禮者也夫踐土之會王實自往非晉罪也故為王諱而足矣溫之會晉則有罪而其情順也故既為王諱之又為晉解之於以見春秋忠恕也

### 壬申公朝于王所

### 晉人執衛侯歸之于京師

### 衛元咺自晉復歸于衛

其言歸之于者執不以正之辭也古者君臣無獄諸侯不專殺為臣執君故衛侯不名而元咺稱復大夫不世其稱復絕之也自晉者晉有奉焉因其力也歸者易辭以文公為之主故其歸無難而方伯之罪亦明矣是以執而稱晉註易去人不得為伯討也

諸侯遂圍許

諸侯比再會天子再至皆朝于王所而許獨不會以其不臣也故諸侯圍許按古者巡狩諸侯各朝于方獄今法天子行幸三百里內亦皆問起居許距河陽踐土近矣而可以不會乎其稱遂繼事之辭也音

註  
此毗  
至反

曹伯襄復歸于曹遂會諸侯圍許

曹伯襄何以名其歸之道非所以歸也晉侯有疾使其豎侯孺貨筮史曰以曹為解晉侯恐於是反曹伯夫以賂得國而春秋名之比於失地滅同姓之罪以此知聖人嚴於義利之別以正性命之理其說行而天下定矣豈曰小補之哉

庚襄王二十有九年晉文五齊昭二衛成四蔡莊十

共公朔元年杞桓公宋成六  
秦穆二十九年楚成四十一

春介葛盧來音註介東夷國葛盧介  
君名也介始見經

公至自圍許

夏六月會王人晉人宋人齊人陳人蔡人秦人盟于翟

泉音註翟泉洛陽  
城內地

按左氏公會王子虎晉孤偃宋公孫固齊國歸父陳  
轅濤塗秦小子憖盟于翟泉則皆列國之貴大夫與  
王子而公與會也其貶而稱人諱不書公何也翟泉  
近在洛陽王城之內而王子虎於此下與列國盟是



謂上替諸侯大夫入天子之境雖貴曰士而於此上盟王子虎是謂下陵而無君之心者矣故以為大惡諱公而不書諸國之卿貶稱人而音註魋魚王子亦與焉者此正其本之意也音註魋魚反

# 秋大雨電音註

雨于付反  
電蒲學反

正蒙曰凡陰陽凝聚陽在內者不得出則奮擊而為雷霆陽在外者不得入則周旋不舍而為風和而散則為霜雪雨露不和而散則為戾氣暄靈陰常散緩受交於陽則風雨調寒暑正電者戾氣也陰脅陽臣侵君之象常是時僖公即位日久季氏音註正蒙橫世卿公子遂專權政在大夫萌於此矣音註渠先生著張子

# 冬介葛盧來

辛襄王二  
卯十二年

三十年

晉文六齊昭三衛成五蔡莊十六鄭  
文四十三曹共二十三陳共二杞桓

七宋成七秦穆三  
十楚成四十二

春王正月

夏狄侵齊

左氏曰晉人伐鄭以觀其可攻與否狄間晉之有鄭  
虞也遂侵齊詩不云乎戎狄是膺荆舒是懲四夷交  
侵所當攘斥晉文公若移圍鄭之師以伐之則方伯  
連帥之職修矣上書狄侵齊下書圍鄭此直書其事  
而義自見者也

秋衛殺其大夫元咺

元咺訟君為惡君歸則已出君出則已歸無人臣之  
禮信有罪矣則稱國以殺而不去其官何也春秋之  
法躬自厚而薄責於人君子之道譬諸射失諸正鵠  
反求諸己衛侯之躬無乃有闕盍亦省德而內自訟  
乎夫稱國以殺者君與大夫專殺之也衛侯在外其  
稱國以殺何也殺梁子曰待其殺而後入也待其殺  
而後入是志乎殺咺瑕者也兵莫惜於志鏖鉚為下  
衛侯未入稱國以殺此春秋誅意之效也然則大臣  
何與焉從君於惡而音註鉚也  
不能止故并罪之也

## 及公子瑕

公子瑕未聞有罪而殺之何也元咺立以為君故衛  
侯忌而殺之也然不與衛剽同者是瑕能拒咺辭其  
位而不立也不與陳佗同者是瑕能守節不為國人  
之所惡也故經以公子冠瑕而稱及見瑕無罪事起

元咺以咺之故延及於瑕而衛侯忌克專殺濫刑之惡著矣

音註

瑕何加反

# 衛侯鄭歸于衛

衛侯出奔于楚則不名見執于晉則不名今既歸國復有其土地矣何以反名之乎不名者責晉文公之以小怨妨大德名之者罪衛侯鄭之以枝害戕本支古者天下為公選賢與能不以為異況於戚屬豈有疑間猜忌之心哉末世隆怨薄恩趙利棄義有國家者恐公族之軋已至網羅誅殺無以莖其本根而社稷傾覆如六朝者衆矣衛侯始歸而殺叔武再歸而及公子瑕是葛藟之不若而春秋之所惡也故再書其名為後世戒此義苟行則六朝之君或亦少省矣

晉人

文

秦人

穆

圍鄭音註

於是秦伯私與鄭盟戊鄭而去之秦晉之怨自此始

按左氏傳晉侯秦伯圍鄭以其無禮於晉而經書晉人秦人者貶之也於秦晉何貶乎初晉公子重耳出亡過鄭而鄭文公亦不禮焉為是興師而圍鄭孟子曰有人於此待我以橫逆則君子必自反也我必不仁無禮與不忠歟仁且有禮而忠矣其橫逆猶是也此亦妄人耳矣而君子蓋終不之校也故行有不得者皆反求諸己而已矣今鄭伯之於晉公子特不能厚將迎贈送之禮而未嘗以橫逆加之也坐此見圍為列國者不亦難乎故晉侯秦伯貶稱人者晉文以私憤勤民動衆圍人之國秦伯惟利為向背從燭之武之言不以義舉也而二國結音註橫去聲響連兵暴骨原野自此始矣

介人侵蕭音註

蕭宋附庸國

冬天王使宰周公來聘公子遂如京師遂如晉音註

遂如

京師魯始聘周遂  
如晉魯始聘晉

大夫出疆有二事出者有一事出而專繼事者其書皆曰遂公子遂如周及晉與祭公自魯逆王后皆所謂以二事出者也公子結往媵而及齊宋盟則專繼事者也是非得失則存乎其事矣冢宰上兼三公其職任為至重而來聘于魯天王之禮意莫厚焉魯侯既不朝京師而使公子遂往又以二事出夷周室於列國此大不恭之罪履霜堅冰之漸春秋之所誅而不以聽者也則何以無貶乎有不待貶絕而罪惡見者不貶絕以見罪惡

壬寅王二  
辰十三年

三十有一年

晉文七齊昭四衛成六蔡莊十  
七鄭文四十四曹共二十四陳

共三杞桓八宋成八秦  
穆三十一楚成四十三

春取濟西田音註

濟西田  
本魯地

公羊曰取之曹也晉侯執曹伯班其所侵地于諸侯不繫國者吾故田也復吾故田而謂之取何也春秋

之法不以  
亂易亂

公子遂如晉

夏四月四卜郊

記禮者曰祭帝于郊所以定天位也禮行於郊而百神受職焉魯諸侯何以有郊成王以周公有大勲勞於天下命魯公世世祀周公以天子之禮樂是故魯君孟春乘大輅載弧韜旂十有二旒日月之章祀帝于郊配以后稷天子之禮也以人臣而用天子之禮可乎是成王過賜而魯公伯禽受之非也楊子曰天

子之制諸侯庸節莫差於僭僭莫重於祭祭莫重  
於地地莫重於天諸侯而祀天其僭極矣聖人於春  
秋欲削而不存則無以志其失為後世戒悉書之乎  
則歲事之常有不勝書者是故因禮之變而書于策  
或以卜或以時或以望或以牲或以牛於變之中又  
有變焉者悉書其事而謂言偃曰魯之郊禘非禮也  
周公其衰矣杞之郊也禹也宋之郊也契也是天子  
之事守也言杞宋夏商之後受命于周作賓王家統  
承先王修其禮物其得行郊祀而配以其祖非列國  
諸侯之比也是故天子祭天地諸侯祭社稷祝嘏莫  
敢易其常古易則亂名犯分人道之大經拂矣故曰  
郊社之禮所以事上帝也宗廟之禮所以祀乎其先  
也明乎郊社之禮禘嘗之義治國其如視諸掌乎夫  
庶人之不得祭五祀大夫之不得祭社稷諸侯之不  
得祭天地非欲故為等衰蓋不易之定理也知其理  
之不可易則安於分守無欲僭之心矣為天下國家



乎何音註韜音獨分去聲

不從乃免牲音註

諸侯之有郊禘東周之僭禮也魯之郊禘惠公請之猶未率以為常僖公

始作頌以誇其盛於是四卜不從猶三望故特書以示譏

古者大事決於卜故洪範稽疑獨以龜為主卜而不從則不郊矣故免牲

猶三望

望祭也有虞氏受終而望因於類巡守而望因於柴皆天子之事也今魯不郊而望故特書曰猶猶者可  
以已之詞其言三望何也天子有方望無所不通諸侯非名山大川在其封內者則不祭魯得用重禮視  
王室則殺故望止於三北諸侯則隆故河海雖不在其封而亦祭然非諸侯之所得為也

秋七月

冬杞伯姬來求婦

蕩伯姬來逆婦而書者以公自為之主失其班列書也杞伯姬敵矣其來求婦曷為亦書見婦人之不可預國事也王后之詔命不施於天下夫人之教令不施於境中昏姻大事也杞獨無君乎而夫人主之也故特書于策以為婦人亂政之戒毋為子求婦猶曰不可況於他乎此義行無呂武之禍矣

狄圍衛十有二月衛遷于帝丘

帝丘東郡濮陽頓項之虛亦衛地也狄嘗迫逐黎侯黎侯寓于衛而衛不能修方伯連帥之職戎嘗伐凡伯于楚丘而衛不能救王臣之患其後逐為狄人所滅東徙渡河矣齊桓公攘戎狄封之而衛國忘亡今

又為狄所圍其遷于帝丘避狄難也而中國衰微夷狄強盛衛侯不能自強於政治晉文無却四夷安諸

夏之功莫

音註

顧音專衛國志亡見僖公二年

癸襄王二十

三十有二年

晉文八年齊昭五年衛成七年蔡莊十八鄭文四十五卒曹共二十

五陳共四杞桓九年宋成九年秦穆三十二楚成四十四

春王正月

夏四月己丑鄭伯捷卒

音註文公卒穆公蘭立

衛人侵狄

秋衛人及狄盟

音註不地者就秋廬帳盟

按左氏狄有亂衛人侵狄狄請平焉衛人及狄盟其  
不地者盟於狄也再書衛人而稱及者所以罪衛也  
盟會中國諸侯之禮衰世之事已非春秋之所貴  
況與戎人狄人即其虛帳刑牲軟血以要之哉

冬十有二月己卯晉侯重耳卒

音註

晉文公卒子襄公繼

伯

按左氏載秦伯納晉文公及殺懷公于高梁其事甚  
詳而春秋不書者以為不告也徐邈曰諸侯有朝聘  
之禮赴告之命所以敦交好通憂虞若鄰國相望而  
情志否隔存亡禍福不以相關則他國之史無由得  
書魯政雖陵典刑猶在史策所錄不失常法其文  
足證仲尼修之事仍本史有可損而不能益也

甲寅王二  
午十五年

三十有三年

晉襄公驪元年齊昭六年衛成八  
蔡莊十九鄭穆公蘭元年曹共

二十六陳共五杞桓十宋成  
十秦穆三十三楚成四十五

春王二月秦人入滑音註

滑姬姓國滅而書入弗能有其地

齊侯使國歸父來聘

夏四月辛巳晉人及姜戎敗秦于殽音註

姜戎姜姓之戎戎子駒支

之先也殽地在弘農澠池縣西○秦晉七十二年之爭始於殽而終於十三國之伐

按書序秦穆公伐鄭晉襄公帥師敗諸殽而經書晉人敗秦于殽是皆仲尼親筆其詞何以異乎書序專取穆公悔過自誓之言止於勸善其詞恕春秋備書秦晉無道用兵之失魚於懲惡其法嚴此所以異也晉襄親將紂不稱君者俯過并期忘親背惠豈哀經而即戎其惡甚矣祀秦猶狄其罪云何客人之館而

謀其主因人之信已而逞其詐利人之危而襲其國  
越人之境而不哀其喪叛盟失信以貪勤民而棄其  
師狄道也夫杞子先軫之謀偷見一時之利傲倖其  
成自以為功者也二君皆過聽焉而貪其利是使為  
人臣者懷利以事其君為人子者懷利以事其父居  
臣父子去仁義懷利以相與利之所在則從之矣何  
有於君父率是而行其流失有不可問而大倫滅  
矣春秋人晉襄而狄秦所以立人道存天理也

# 癸巳葬晉文公

## 狄侵齊

### 公伐邾取訾婁音註

訾婁邾地公羊作叢穀  
梁作訾樓訾子斯反

### 秋公子遂帥師伐邾

按左氏公伐邾取訾婁報升陞之役邾人不設備襄仲復伐之此皆不勝忿欲報怨貪得恃強陵弱不義之兵也直書其事而罪自見矣或曰取須句訾婁有為為之也伐邾至于再三念母勤矣夫念母者必當止乎禮義平王不撫其民而速屯戍于母家詩人刺之夫子錄焉僖公以成風之有功于已也越禮以尊其身違義以報其怨殘民動音註遠屯戍于母家見衆取人之邑曾是以為可乎音註詩揚之水小序越禮以尊其身八年禘于太廟用致為夫人

晉人敗狄于箕音註

箕地名太原陽邑縣南有箕城

冬十月公如齊十有二月公至自齊

乙巳公薨于小寢

左氏曰卽安也周制王宮六寢路寢一小寢五君日出而眠朝退適路寢聽政使人眠大夫退然後適小寢釋服是路寢治事之所也而小寢燕息之地也公羊以西宮為小寢魯子以諸侯有三宮則列國之制蓋降於王其以路寢為正則一爾君終不於路寢則非正矣曾子曰吾得正而斃又何求哉古人貴於得正乃如此凡此直書而義自見矣

## 隕霜不殺草李梅實

哀公問於仲尼曰春秋記隕霜不殺草何為記之也曰此言可殺也夫宜殺而不殺則李梅冬實天失其道草木猶干犯之而況君子乎是故以天道言四時失其序則其施必悖無以統萬象矣以君道言五刑失其用則其權必喪無以服萬民矣哀公欲去三桓張公室問社於宰我宰我對以使民戰栗蓋勸之斷也



仲尼則曰成事不說既往不咎其自與哀公言乃以  
為可殺何也在聖人則能處變而不失其常在替者  
必有小貞吉大貞凶之戒矣其論隕霜不殺  
草李梅冬實蓋除惡於微慮患於早之意也

晉人陳人鄭人伐許

春秋傳卷十三